

**ХУУЛЬ ТОГТООМЖ, ТОГТООЛ ШИЙДВЭРИЙН БИЕЛЭЛТЭД ХИЙСЭН
ХЯНАЛТ ШИНЖИЛГЭЭ, ҮНЭЛГЭЭНИЙ ТАНИЛЦУУЛГА
/УУЛ УУРХАЙ, ХҮНД ҮЙЛДВЭРИЙН ЯАМ/**

2018 оны 6 дугаар сарын 29

Нэг. Хяналт-шинжилгээ, үнэлгээний зорилго.

Хяналт-шинжилгээ, үнэлгээний зорилго нь Уул уурхай, хүнд үйлдвэрийн сайдын эрхлэх асуудлын хүрээний холбогдох хууль тогтоомж, тогтоол шийдвэрийн хэрэгжилтийн явц, үр дүнд 2018 оны эхний хагас жилийн байдлаар хяналт-шинжилгээ хийж, зорилтыг хүрэх түвшинтэй нь харьцуулан, хэрэгжилтийн түвшинг тогтоох, үр дүнг үнэлэх, дүгнэлт, зөвлөмж гаргах, яамны удирдлагыг бодит мэдээллээр хангах, цаашид төлөвлөсөн зорилтыг бүрэн биелүүлэхэд дэмжлэг үзүүлэхэд оршино.

Хоёр.Хяналт-шинжилгээ, үнэлгээний арга зүй.

Монгол Улсын хууль, Улсын Их Хурал болон УИХ-ын байнгын хорооны тогтоол, Ерөнхийлөгчийн зарлиг, Үндэсний аюулгүй байдлын зөвлөлийн зөвлөмж, хуралдааны тэмдэглэл, Засгийн газрын тогтоол, хуралдааны тэмдэглэл, Ерөнхий сайдын захирамж, албан даалгавраар Уул уурхай, хүнд үйлдвэрийн сайдын эрхлэх асуудлын хүрээнд гарсан шийдвэр заалтыг хяналтад авч, яамны нэгжүүдийн 2018 оны эхний хагас жилийн байдлаар ирүүлсэн биелэлтэд хяналт-шинжилгээ, үнэлгээ хийв.

Хяналт-шинжилгээ, үнэлгээг хийхдээ Засгийн газрын 2017 оны 89 дүгээр тогтоолоор батлагдсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ыг удирдлага болгов.

Засгийн газрын Хэрэг эрхлэх газрын хяналт-шинжилгээ, үнэлгээний нэгдсэн цахим хуудсанд байршуулсан шийдвэр, заалтыг 2018 оны 6 дугаар сарын 28-ны өдрийн байдлаар тасалбар болгон Засгийн газрын 2017 оны 89-р тогтоолоор батлагдсан журмын 6-р хавсралтын дагуу салбар тус бүрээр Геологи, эрдэс баялгийн, Газрын тос, газрын тосны бүтээгдэхүүн түүний нөөцийн, Уул уурхайн, Хүнд үйлдвэрийн, Нийтлэг асуудал гэсэн таван ангиллаар хэрэгжилтийг гаргуулав.

Гурав.Хяналт-шинжилгээ, үнэлгээний үр дүн.

2018 оны эхний хагас жилийн үнэлгээг Засгийн газрын Хэрэг эрхлэх газрын Хяналт-шинжилгээ, үнэлгээний www.unelgee.gov.mn цахим системд байршуулсан нийт 139 шийдвэрийн 200 заалтыг дээр дурдсан агуулгаар ангилж хяналт шинжилгээ, үнэлгээ хийсэн ба хэрэгжилт **85.0** хувийн биелэлттэй байна.

Геологи, эрдэс баялгийн бодлогын хүрээнд 4 шийдвэрийн 4 заалтын хэрэгжилт 75.0%, газрын тос, газрын тосны бүтээгдэхүүн болон түүний нөөцийн талаарх бодлогын 16 шийдвэрийн 20 заалтын хэрэгжилт 70.0%, уул уурхайн бодлогын асуудлын 39 шийдвэрийн 49 заалтын хэрэгжилт 76.0%, хүнд үйлдвэрийн бодлогын асуудлын 24 шийдвэрийн 31 заалтын хэрэгжилт 73.3%, нийтлэг асуудлын 56 шийдвэрийн 96 заалтын хэрэгжилт 96.0 хувийн тус тус биелэлттэй байна.

Нийт 200 заалтын 27 заалт үнэлэх боломжгүй, хэрэгжилт гаргаж дүгнэсэн 173 заалтын 107 заалт буюу 61.9% бүрэн биелсэн, үлдсэн 66 заалт буюу 38.2% хэрэгжилтийн шатанд буюу 30-70 хувийн биелэлттэй, 2 заалт буюу 1.2% хэрэгжээгүй буюу "0" хувийн үнэлэгээтэй байна.

**ХУУЛЬ ТОГТООМЖ, ТОГТООЛ ШИЙДВЭРИЙН
ХЭРЭГЖИЛТЭД ХИЙСЭН ҮНЭЛГЭЭ**
/2018 оны эхний хагас жил /

Хүснэгт-1

		Бүгд	Монгол улсын хууль	УИХ-ын тогтоол	УИХ-ын байнгын хуралын тогтоол	Ерөнхийлөгчийн зааллыг	Засгийн газрын тогтоол	Засгийн газрын хуралдааны тэмдэглэл	Ерөнхий сайдын зааллыг	Үндэсний аюулгүй байдлын зөвлөлийн зааллыг	Засгийн газрын албан даалгавар
Хяналтан д авагдсан	Шийдвэрийн тоо	139	10	11	8	1	54	38	9	7	1
	Заалтын тоо	200	14	14	19	1	70	46	9	15	12
Үүнээс	Биелсэн 100%	107	4	5	13	1	38	26	5	4	11
	Хэрэгжих шатанд	64	6	3	2	-	28	13	3	8	1
	70.0%	50	4	3	2	-	20	10	3	7	1
	30.0%	14	2	-	-	-	8	3	-	1	-
	Хэрэгжээгүй	2	-	-	-	-	1	-	-	1	-
	Дүгнэгдээгүй	27	4	6	4	-	3	7	1	2	-

Дөрөв. Дүгнэлт.

1. Яамны холбогдох газруудаас хууль тогтоомж, тогтоол шийдвэрийг хэрэгжүүлэх талаар үр дүнтэй ажлууд хийж байгаа боловч биелэлтийг тогтоосон хугацаанд гаргаж ирүүлэх, ажлын гол үр дүнг товч тодорхой, баримт нотолгоонд суурилсан байдлаар тайлагнах шаардлагатай байна.

2. Яамны нэгжүүд хууль тогтоомж, тогтоол шийдвэрийн биелэлтийг дутуу ирүүлж байгаагаас үүдэн тайланг буцаах, биелэлтийг дахин гаргуулж, үнэлгээг хийхэд хугацаа алдаж байлаа.

3. Бусад байгууллагатай хамтран хэрэгжүүлэх шийдвэрийн биелэлт гаргахдаа тухайн асуудлаар толгойлон эсвэл хамтран хэрэгжүүлэгчээс санал авч, хамтарч биелэлтийг тайлагнадаггүй байдал давтагдсаар байна.

4. ЗГХЭГ нь 2017 оны жилийн эцэст хүргүүлсэн тайлангаас бүрэн хэрэгжиж дууссан, чиг үүргийн хувьд тус яамны эрхлэх асуудалд хамааралгүй шийдвэрүүд (тухайлбал, 2016.03.28-ны өдрийн 18 дугаар тэмдэглэлээр баталсан ХХААХҮЯ-ны чиг үүрэгт хамаарах дотоодын соёлын үйлдвэрлэл, импорт гэх мэт), бодит шалтгааны улмаас хэрэгжих боломжгүй, цаг хугацааны хувьд ач холбогдолгүй болсон, сүүлийн 3 жил тасарсан, тухайн асуудлаар дахин шийдвэр гарсан хууль тогтоомж, тогтоол шийдвэрийн заалтыг хүчингүй болгох, хяналтаас хасах талаар тухай бүр арга хэмжээ авч, холбогдох шийдвэрийг гаргуулж байх шаардлагатай байна.

5. Яамны эрхлэх асуудалд хамааралгүй, хэрэгжих хугацаа болоогүй, үндсэн хэрэгүүлэгч яамнаас санал ирээгүй, шүүхийн шийдвэр эцэслэн гараагүй, тухайн шийдвэр хүчингүй болсон, тухайн асуудлаар шинээр шийдвэр батлагдсан, хуульд нэмэлт, өөрчлөлт орж, тухайн шийдвэр дэх харилцаа цаашид үргэлжлэх боломжгүй болсон зэрэг 27 заалтад үнэлгээ өгөөгүй.

6. Тодорхой хийгдсэн ажлын биелэлтгүй 2 шийдвэрийг "0" хувиар үнэлсэн болно. Үүнд:

- "Нүүрснээс байгалийн хий үйлдвэрлэх төсөл"-ийн тухай 2014-08-18 №32/14 4. Уг төслийн хүрээнд Улаанбаатар хотыг хийгээр бүрэн хангаж, агаарын бохирдлыг бууруулах нөхцлийг нэн тэргүүнд бүрдүүлэх эхний үйлдвэрийн техник-эдийн засгийн үндэслэлийг шуурхай боловсруулах.
- "Үйлдвэржилт 21:100" үндэсний хөтөлбөр батлах тухай 2018-01-31 №36 2. Хөтөлбөрт тусгагдсан зорилт, арга хэмжээг хэрэгжүүлэхэд шаардагдах хөрөнгийг Улсын хөрөнгө оруулалтын хөтөлбөр, жил бүрийн эдийн засаг, нийгмийг хөгжүүлэх үндсэн чиглэлд тусгаж, хувийн хэвшлийн хөрөнгө оруулалт, улсын болон орон нутгийн төсвийн дэмжлэг, гадаадын зээл, тусламжаар санхүүжүүлэх арга хэмжээ авч хэрэгжүүлэхийг Хүнс, хөдөө аж ахуй, хөнгөн үйлдвэрийн сайд Б.Батзориг, Сангийн сайд Ч.Хүрэлбаатар, Үндэсний хөгжлийн газрын дарга Б.Баярсайхан, холбогдох сайд, аймаг, нийслэлийн Засаг дарга нарт тус тус даалгасугай.

Тав. Зөвлөмж.

1. Цаашид холбогдох нэгжүүд ХШҮДАГ-т хүргүүлж буй тайлангийн боловсруулалт, чанарт анхаарах, мэргэжилтний боловсруулсан тайлан, мэдээллийг харьяалах нэгжийн дарга нар сайтар хянаж, арга зүйн дэмжлэг үзүүлэх, мөн ХШҮДАГ-тай нягт хамтран ажиллах,

2. БХЗГ болон ТЗУГ тайлангаа тогтоосон хугацаанд гаргах, шинэчилж ирүүлж байх,

3. Холбогдох нэгжүүд дүгнэгдээгүй, удааширсан болон "0" хувийн үнэлгээтэй шийдвэрийн хэрэгжилтийг эрчимжүүлж ажиллах шаардлагатай байна.

Хууль тогтоомж, тогтоол шийдвэрийн биелэлтэд хийсэн үнэлгээний тайлан, нэгтгэлийг хавсаргав.

ХЯНАЛТ-ШИНЖИЛГЭЭ, ҮНЭЛГЭЭ, ДОТООД АУДИТЫН ГАЗАР

Танилцсан:
ТНБД

Г.Нандинжаргал

ТЗУГ-ын дарга М.Баяраа

Хянасан:
ХШҮДАГ-ын дарга Ц.Одхүү

Тайлан, танилцуулга боловсруулсан:

Ахлах мэргэжилтэн Б.Баяржаргал

Мэргэжилтэн С.Цэцэг-Өлзий

Үнэлгээ хийсэн:

Ахлах мэргэжилтэн Б.Баяржаргал

Мэргэжилтэн С.Цэцэг-Өлзий

Х.Цэнд-Аюуш

Г.Батнайрамдал

Н.Цогтбаяр